

Éfesosu 2:2 Nteke ono bę unu shi etso ęka ndiwhe. Unu shi anoje eme iwhe ewhereke-ngvu kfuru, bụ iya bụ onye əwhu l'achi l'ewhekerewhe, bükwaruwho ejo ume ono, l'enwukotaje unu ye t'unu karia Chileke ęka.

Mátiyu 6:10 Goshinu l'qo ghu bụ eze. T'e mejee iwhe bụ uche-obu ghu lę mgboko, lege l'eemeje iya l'imigwe.

Luku 22:42 "Nna, ọ -bụru l'o dù ghu mma l'obu, nafunu mu omogo iwhe-otsulanu-a, ọle t'ọ bọ bükwa iwhe dù mbedula l'uche l'e-me, t'ọ bụ-chikwaaru iwhe əwhu dù gubedua l'uche l'e-me."

Jonu 16:7-9 Ọle g'ọ dylee, tẹ mu mekwaa ya t'o doo unu ẹnya, o gbechikwaa karu unu ree tẹ mu laa. Ọ -bụru lę mu ta aladụ bę Onye-Ọgbata ono l'ete alwakfutakwa unu. Ọle ọo nteke mu larwuleruwho; mu ezhi iya t'ọ Iwakfuta unu. 8 Nteke ọ byaleruwho bę l'oo-goshi ndiwhe l'qo tọ bụdu iwhe whę l'arị l'ego l'iwhe-dụ-eji bụ, b'o bụ, goshikwa whę whę l'qo tọ bụdu iwhe whę rịru l'qo ya bụ ọdu chıriri bę bụ iya nụ, goshi whę l'qo tọ dù iwhe whę rịru l'qo ikpe Chileke bę bụ iya nụ. O noo gę l'oogude goshi whę l'ikpe nmarụ whę ndono. 9 Oo-goshi l'anqono ono, whę l'ete anqo l'ęka mübe Jisosu bę bụ iwhe-dụ-eji, whę l'eme iya.

2 Tímoti 2:10 O noo iwhe meru mu kwobe iswi ęhu ndu ono, Chileke hɔtaru, anwugbukota iwhe lile-e l'obu, ọ kwa iya bụ nke əwhu Chileke l'e-shikwanu l'ęka Kuráyisitu Jisosu dzokwaa whę whę, ya eshi nno nụ whę ndzụ, dù biribiri, bụ ndzụ tututu-mjimimi.

Romu 15:20,21 Iwhe lanu, l'anojelewho awhoshi mu ike l'obu bụru tẹ mu je ekfua okfu Chileke, ọle ọ tọ bükwa tẹ mu je iya ekfukfu l'ęka a mahawarụ nke Kuráyisitu, t'ọ bọ bükwa woo: lę mu gbee gbashi je atulahaa ụlo l'eli-ụlo, onye ọdo gbuberu egbube. 21 O dya g'ọo iwhe e deru l'ekwo Okfu Chileke sụ: "Ndu lile ono l'eteke akötabuaru akọ iya bę l'e-gudekwa ẹnya whę whę. Ndu l'eteke anübua akọ iya, bę akọ ęhu iya l'e-dokwawho ẹnya."

Ozhi Ndu Ishi-Ozhi 2:36,37 "Ọo ya bụ, t'o doo Izurelu lile ẹnya ree, lę Chileke bę mewaru Jisosu ono, unu kpopyaberu l'oswebe, t'ọ bụru Onye-Nwe-Qha, bụru Kuráyisitu, bụ Onye-Ndzota." 37 O noo ya, whę nụ-gele iya who, meji tofu whę, whę sụ Pyita mée ndu-ishii-ozhi ndu əwhuna: "Unwunna anyi, ?qo gụnu bę anyi l'e-me?"

Híburu 4:2 O noo l'qo kwawhę gę ndu-ichee ono, Mósisu l'eduzhi ụzo l'echi-egu nüru ozhi-oma lę Chileke l'eme tẹ ya dzọ whę, bụ g'anyi nüru iya nta-a. Obenu l'okfu ono, whę nüru nno ta adụdu mkpa, ọ garụ whę. Iwhe meru tọ dù mkpa, ọ garụ whę bụ lę whę nụ-gezhiaru ụkwa, Chileke kweru, whę mee nchị gę whę ta anüdu iya.

Jeremáya 24:7 Mu l'a-nụ whę obu, whę l'e-gude marụ l'qo Mu bụ Onye-Nwe-Qha. Whę l'a-bụru ndibe mu, mu abụru Chileke whę. Nkele whę l'e-gude obu whę g'ọ ha Iwakfuta mu."

Ozhi Ndu Ishi-Ozhi 16:14 Onye lanu l'ünwanyi ono, nüru okfu ono, anyi l'ekfu bę ęwha iya bụ Lídiya. Lídiya ono bụ onye Tayatáyira. Ọogba nghọ ękwa uswe

uswe. Nwanyị ono ta abụdu onye Ju, ọle Chileke dürü iya lẹ nsọ. Onye-Nwe-Ọha, bụ Chileke bya aguhaa obu iya, ọ ngabẹ nchị l'iwhe Polu l'ekfu.

Mátiyu 13:14,15 Ọ l'ehu whẹ b'ọ vukotaru mbụ iwhe ono, onye nkfuchiru Chileke bụ Ayizáya kfuru, ọwhu o kfuru sụ: “ ‘Unu l'a-nга nchị nta ngaa imo, ọle ọ tọ dudu iwhe l'e-do unu ẹnya. Unu elee ẹnya nta lee imo, ọle ọ tọ dudu iwhe unu bya l'a-whụ. 15 O noo lẹ whẹ nmarụ obu mkpigbi. Whẹ swochishia nchị takụbe-gee ẹnya. Ọ byanụ mẹ whẹ egudekwa ẹnya whẹ whụa, gude nchị whẹ nụa, mẹ obu whẹ emee t'o doo whẹ ẹnya, mẹ whẹ adakọbe Iwakfuta mụbe Chileke tẹ mu dzọ whẹ.’

Ayizáya 6:9,10 Ọ sụ mu: “Ngwa, tüğburu je ezhia ndu-a sụ whẹ agha: ‘Unu l'a-nụ nta nụa imo, ọle iwhe te edodu unu ẹnya. Unu elee ẹnya nta lee imo, ọle ọ tọ dudu iwhe unu bya l'a-whụ.’ 10 Mee ndu-a t'obu nmaa whẹ mkpigbi. Whẹ aswochishichaa nchị aswochi, takụbechaa ẹnya atakụbe. Ọdua bẹ whẹ l'e-gudekwa ẹnya whẹ whụa, gude nchị whẹ nụ; obu whẹ emee t'o doo whẹ ẹnya, nke ọwhu whẹ l'a-dakọbe Iwakfuta mụbe Chileke tẹ mu mee whẹ, tẹ whẹ mehu.”

Makụ 4:11,12 Ọ sụ whẹ: “Qo unubedula bẹ Chileke meru t'unu marụ iwhe ono e shi domigee edomi l'okfu abụbu ono, Chileke bụ eze, ọle ndu ọdo bẹ l'a-nmakötaru iwhe lile ono l'etu. 12 Nke ọwhu, “ ‘whẹ l'e-leje ẹnya nta lee imo, ọle ọ tọ dudu iwhe whẹ l'a-whụ. Whẹ angajẹe nchị nta ngaa imo, ọle ọ tọ dudu iwhe l'edo whẹ ẹnya. Nggę l'ọ tọ dù nno mẹ whẹ adawhu azụ Iwakfuta Chileke m'o gụarụ whẹ nvụ.’ ”

Jonu 12:39,40 O noo iwhe meru whẹ te ekweta. Nkele Ayizáya kfukwaruwho ọdo sụ: 40 “Chileke mewaru whẹ, whẹ tsolahaa ishi. O mewaru whẹ, whẹ bụru obu-l'akpụ-njọ, A nonyadaawho, whẹ gude ẹnya whẹ whụa ụzo, Ọriri rwua whẹ ọhu ẹwho, Whẹ bya agbanwee Iwakfuta mu tẹ mu gwókwa whẹ.”

Romu 11:7,8 Sụa, ?qo awe bẹ anyi l'a-kpochi okfu ono ishi nta-a? Eka anyi l'akpochi iya ishi bụ l'ọ tọ bụdu ndu Izurelu l'owhu bẹ whükotaru iwhe whẹ l'achọ. Ọlewho nwa ndu onona, Chileke hotaru bẹ iwhe whẹ l'achọ rwuberu eka. Ndu ọwhu gẹ whẹ ha bẹ Chileke meru nchị chishihu; kpochishia whẹ obu, 8 bụ iya bụ iwhe ọbu, e deru l'ekwo Okfu Chileke sụ: “Ume, Chileke yeru whẹ l'ehu bẹ nmarụ whẹ nswe, mee whẹ tọ duhe iwhe whẹ l'e-gudeje ẹnya whẹ whụa, tọ duhe iwhe whẹ l'e-gudeje nchị whẹ nụa, mbükwa byeye ntanụ-a, dù ẹgube-e.”

2 Tesalonáyika 2:10,11 Ya egude ejio ugho mgbashị eduwushi ndu ono, bụwaa ndu l'a-la l'iyi. Mbụ iwhe whẹ l'e-kwobe laa l'iyi ọbu a-bükwaru lẹ whẹ jíkaru lẹ whẹ te eyedu ọkpobe-okfu ono obu, bụ iya gęge adzota whẹ. 11 O noo iwhe meru g'o gude Chileke buhaa whẹ, whẹ shiswee ụzo, shisweta iya nke ọwhu bulewho iwhe l'ete abụa ọkpobe-okfu bẹ whẹ l'ekwetaje.

Mátiyu 13:18-23 “Unu gbebekwa nchị tẹ mu karụ unu iwhe ọ bụ mbụ etu onye l'atụ iwhe akụ ono. 19 O nweru onye l'anuje iwhe l'eekfu lẹ nke eze ono, Chileke bụ, ọle o too dojedu iya ẹnya. Onye-Ejo-Uboku ono, bụ Oshifutuswe abya anafụ iya iwhe ono a tịru, dù iya l'ime obu. Qo ẹgube onye ono bẹ bụ ndu onona, a tịru l'aguga echị-uzo. 20 Ndu ọwhu a tịru l'eka ejagiri dù bẹ bụ onye ọwhu bụ nteke ọ nụ-geeru okfu ono, ya egude ẹhu-ụtso natakebe iya ree. 21 Ole ọ tọko

gbabedu ya ọgbaragbu l'obu. Nteke ọ kpokwaduru-a nwukfu, iwhe-otsulanu -byakfutale iya who, ọdua ya abụru nteke l'aakpa iya ẹhu nkele o kwetaru okfu ono, ya abụru iya bụ iwhe l'a-kpata ya adafu, buhaa okfu ono. 22 Ndu ọwhu a tñru l'eka ogvu du l'alí, bụ onye ọwhu nñru okfu Chileke, ọle ọ rinuka ɔriri ẹhu iya. Oyenuka ẹnyumi l'eku batanụ bya akpalahaa okfu ono ẹhu, tñ mihe amịmị. 23 Ọle ndu ọwhu bụ mebyi a tñru l'eka alí du ree, o noo ndu ọwhu l'anụ-gejee ya, whę ewota iya ye l'obu whę. O noo ndu ọwhu l'eyeje mebyi. Ọwhu l'a-mịta uko poro ise, ọwhu l'a-mịta uko poro eto, ọwhu l'a-mịta uko poro l'iri."

2 Kórintu 3:15,16 Mbụ, ọobujekwa nteke l'agụ erekwo iwu Mósisu ono, mbükwa byeyekwaa nta-a, ya adu ge-woo l'e gude egube ekwa ono kwechia uche whę. 16 Ọle, ọ du-a g'oo egube-é erekwo-okfu Chileke kfuru nke Mósisu su: "Qobuje nteke ọ ghachiwaru Onye-Nwe-Ọha iwhu, ekwa ono awhufu."

Ayizáya 30:28 Ntụ-ume iya du g'oo utso-mini, l'awo l'ekpiri. Mba ge mba ha b'o chiru ye le n-yo ọla-l'iswi mee whę ozara-l'ukpo. Ọ bya eworu aga-nko ye ndiwe l'agba t'o gude duwhua whę.

Hosíya 11:3-7 Obukwaru mu nụ bę zhíru whębe ndu Ífuremu ụnwu ije. Mu shi esetaje whę l'eka. Ọle whę ta amadu l'oo mbędua bę meru tę whę mehu l'ehu l'eme whę nu. 4 Mu shi egudeje obu-imiko edu whę. Ọ bürü obu, mu yeru whę bę mu gude edu whę. Mu shi anyafuje whę odogoro, a nyaberi whę l'olu bya ewhuzeta ewhuzeta nua whę nri. 5 "Eshi-ọwhu whę jíkaru le whę ta alwakfutadu mu, bę whę l'e-megekwa laa alí Íjiputu, onye eze Asiriya abụru ishi chilahaa whę. 6 Ogu-ịgba l'e-gbu iwhu mę azu le mkpukpu whę, gbukashia mgbo-igwe e yeru l'ọn-abata mkpukpu whę, taa ishi ndibe whę, shi nno mebyishia iwhe lile whę chiru idzu iya. 7 Iwhe ndibe mu keberu eka iya bụ tę whę gbakuta mu azu. Ọ bürü iya bụ le whę ryaku onye ono, bụ Ọkalibe-Kangokotaru-Nu, ọ tọo byadu l'e-kuli whę ekuli.

Ozhi Ndu Ishi-Ozhi 26:18 Su: 'Ii-je emee tę whę saa ẹnya nke ọwhu whę l'e-shi l'ekpuroochi lufuta bata l'iwboro mée nke ọwhu whę l'e-shi l'eka Sétanu futa, byakfuta Chileke. Ọ ya bụ, whę -kwetalewho l'oo mu bụ Onye-nwe-whę-nu, Chileke aguaru whę nvụ le iwhe-du-eji, whę metagbaberu, gürü whę ye le ndu ọ hotaru tę whę bürü ndibe mu.'

2 Tímoti 2:24-26 Lę nwozhi nke Onye-Nwe-Ọha bụfutajekwa onye l'ete aswoje uswo, ọ bụfutaje onye dñru madzụ lile odo, onye ono bụfutajekwawho onye maru ge l'eezhije iwhe, ya abụru onye l'anwụ-gbuje iwhe l'obu nteke e meru iya iwhe-du-eji. 25 Ọ bụfutaje onye l'ewozeje onwiya alí, akpozhiru ndu l'agbaję iya okfu ụzo. O noo l'o nwekwaruro ge l'oo-me Chileke egbee yetaru whę eka, whę adaa onwowhe ụta haa iwhe-du-eji ono, whę l'emegbabe, Iwakfuta Chileke, whę abya amakötaru ọkpobe-okfu ono. 26 Ọ ya bụ ẹnya abya ekosahu whę, whę ajifü l'onya ono, Oshifutuswe nmatarụ whę, bụ iya shi mee whę, whę l'eme iwhe bụ uche-obu Oshifutuswe ono.

Ọwhulunya 3:17-19 Unu l'anoje ekfu l'unu nweru iwhe, l'unu nweru iwhe; ekfukwawho l'iwhe kwebukwaaru unu; woo tọ du-zhia iwhe ụko iya dñru unu. Nsho unu, unu ta amadu-roo l'unu gbaru nke t'a kujeru unu nsho, unu bürü ndu mkpęgu, unu l'atsọ ishi; agbakwawhọ ọto. 18 Ọ ya bụ l'odu, mu l'adu unu bụ

t'unu byachia bya azuta mbedula mkpolo-ododo, a hwaru l'oku gude mee ya, o du ree, mkpaba ta aduhe iya ngge o mee unu t'unu bürü ndu nweru iwhe. Unu abyakwawho bya anmata mu uwe ocha yeje, t'unu ba agbahé oto nke ɔwhu iwhere l'a-dü-buhukwanu unu. Unu azutakwa mu who ɔgvu-ɛnya, tee l'ɛnya ono ngge unu whulahaa uto. 19 L'ø kwa iwhe bu ndu mu yeru obu be mu l'abajeru mba, hùa whè àhùhù ngge whè maru iwhe. O kwa iya who bu, t'unu gudenu obu unu g'o ha meje iwhe ono, mu kfuru ono, unu dadua onwunu uta; haa ome iwhe-dü-ɛji, unu l'emegbabe Iwakfuta Chileke.

2 Kórintu 7:10 L'ø -bürü l'a taru madzù uta; uta ono mee onye ono; o gude nggumu áwhu iya mee iwhe du Chileke ree, be áwhu ono l'emejekwa t'onye ono daa onwiya uta, haa iwhe-dü-ɛji l'oomegbabe, Iwakfuta Chileke. Onye ono ta akwahékwaro nzhimanu le ya daru onwiya uta. E shi nno, Chileke adzoo onye obu. Ole o -bürü le madzù b'a taru uta, ehu ghulahaa onye ono eghu, onye obu eshi nno laa l'iyi.

1 Ndu Eze 18:37 Zanu mu oku byiko Onye-Nwe-Ọha, zanu mu oku, nke ɔwhu ndu a l'a-maru l'øo gube Onye-Nwe-Ọha be bu Chileke, o bürü ghu l'e-me t'obu whè Iwawhu azu l'eka i no."

2 Kórintu 4:4 Lé Séstanu, bu iya l'achi mgboko-o be wookwaru eka pyichia ndu ono, bu ekwegekwe ono l'uche whè, te ya mee nke ɔwhu whè l'ete awhu iwhoro, shi l'ozhi-oma ono, l'echiru whè whorowhoro. Iwhoro ono l'egoshi ogbu-zaazaa nke Kuráyisitu. O kwa le Kuráyisitu ono b'e gbee whua Chileke l'onwiya.

Luku 8:11-15 "Unu lee iwhe etu ono bu ndowa: Iwhe akụ ono bu okfu Chileke. 12 Ndu ɔwhu daru l'aguga echu-uzo be bu ndu ɔwhu nü-geeru iya nü; Oshifutuswe bya anafu whè iwhe ono, a kuru l'ime obu whè ono te whè be ekweta t'a dzofuta whè. 13 Ndu ɔwhu daru l'eli ewayhuru bu ndu ɔwhu bu nteke whè nü-geeru okfu ono, whè kweta gude ehu-utso natakebe iya ree, ole o to gbabedu ɔgbaragbu l'obu whè, whè kwetarwee kpo nwukfu nwanshi, o belewho nteke iwhe adata byakfutaru whè, whè dochia iya. 14 Ndu ɔwhu daru l'eka ɔgvu du l'ime alí be bu ndu ɔwhu nü-geeru iya nü, whè jenyaa l'uzo whè ono, oke ɔriri ehu whè mée eku mée iwhe-utso ɔwhu du le ndzu whè, kpanuka whè ehu, to duhe iwhe ozhi-oma ono meru whè l'ehu. 15 Ndu ɔwhu daru l'alí du ree; o noo ndu ɔwhu nru okfu ono, whè gude ɔkpobe obu-oma gudepyabeshia ya ike, whè taa nshi kfukashia okfu Chileke ono te ndu odo kweta."

Ozhi Ndu Ishi-Ozhi 15:11 Awakwa-o! Anyi kwetaru le Onye-Nwe-Ọha, bu Jisosu be l'e-gude nke eze-iwhe-oma ono, l'øonoje eme dzoo anyi, o bükwaruwho nno bu ge l'øo-dzø whè."

Romu 8:13 Lé nteke unu l'eme iwhe shigee l'uche-obu unu be unu l'a-nwuhukwa anwuhu. O bewho le nteke unu shi l'eka Ume-Dü-Nsø kpypyaa umere ono, shi l'uche unu ono ishi; t'ø bürü iwhe nwuhuru anwuhu, o ya bu unu anodu ndzu.